

Mid-Day Dogri News Bulletin, 18th April 2025

समे — 12:25

CRPF

केन्द्रीय रिजर्व पुलिस बल नै जम्मू कश्मीर च आतंकवाद विरोधी अभियानें लेई शक्ति कारवाई करने आली दक विशेष कमांडो बटालियन कोबरा बनाने दा फैसला कीता। जंगले च आतंक विरोधी कारवाइएं च महारत रखने आली इस इकाई गी 17 बरे मगरा नक्सल प्रभावत राज्यें च अभियान चलाने लेई नीम फौजी बलें च शामिल कीता गेआ ऐ। आकाशवाणी दे जम्मू संवाददाता नै जानकारी दित्ती ऐ जे सीआरपीएफ दे महानिदेशक ज्ञानेंद्र प्रताप सिंह होरें कल मध्यप्रदेश च आयोजत बल दे 86में स्थापना दिवस दरान एह घोषणा कीती। डीजी होरें गलाया जे केन्द्री गृहमंत्री अमित शाह हुंदे निर्देशें मूजब जम्मू कश्मीर लेई इस नमीं कमांडो बटालियन –कोबरा दा गठन कीता जाग। कोबरा इकाई गी जम्मू कश्मीर दे जंगली इलाकें च अभियान चलाने दा कम्म सौंपेआ जाग, जेह्दे च जम्मू क्षेत्र बी शामिल ऐ, जित्थें हाल दे दिनें केई आतंकवादी घटना होइयां न। इत्थें एह दस्सना लाजमी ऐ जे कोबरा इकाइएं बक्ख–बक्ख राज्यें च नक्सलवाद गी रोकने च महत्वपूर्ण भूमिका नभाई ऐ।

<><><><><><><>

Police Transfers

पुलिस प्रशासन च बड्डे फेरबदल च एलजी प्रशासन तैहत जम्मू कश्मीर सरकार दे गृह विभाग नै 17 आईपीएस ते 96 जेकेपीएस अधिकारिएं दे तबादले दे आदेश जारी कीते न। आदेश मूजब होरने दे इलावा सारा रिजवी हुंदी बदली करियै उनेंगी उधमपुर–रियासी रेंज दी डाआईजी तैनात कीता गेआ ऐ, इआं गै राजा आदिल हामिद गनेई होरें गी एसएसपी ट्रैफिक राष्ट्रीय राजमार्ग, केसर मलिक होरें गी एसपी ट्रैफिक जम्मू सिटी, नरेश सिंह होरें गी एसएसपी किश्तवाड़ ते प्रदीप सिंह होरें गी अडिशनल एसपी किश्तवाड़ तैनात कीता गेआ ऐ।

<><><><><><><>

Centre Waqf

केन्द्र नै वीरवार सुप्रीम कोर्ट गी भरोसा दोआया ऐ जे ओह नां ते वक्फ संपत्तिएं गी डिनेटिफाई करग ते नां गै केन्द्र वक्फ काउंसल ते बोर्ड च 5 मई तगर कोई नियुक्त करोग। सोलिट फॉर जनरल तुषार मेहता हुंदा एह आश्वासन उसलै आया जिसलै उनें मुख्य

न्यायधीश संजीव खन्ना ते जस्टिन संजय कुमार ते के.वी.विश्वनाथन हुंदी पीठ गी दस्सेआ जे वक्फ कनून संसद च सैहमति कन्नै पास कीता ऐ ते सरकार दी सुनवाई दे बगैर इस पर रोक नेई लाई जाना लोड़वदी।

<><><><><><><><>

PM-Gita

प्रधानमंत्री नरेन्द्र मोदी होरें गीता ते नाट्य शास्त्र गी यूएनईएसओ दे मैमार ऑफ द वर्ल्ड रजिस्टर च शामिल करने दी सराहना कीता ऐ। अपने इक सोशल मीडिया पोस्ट च श्री मोदी होरें आखेआ जे एह भारत दी समृद्ध संस्कृति ते ज्ञान दी वैश्विक पंछान ऐ। उनें आखेआ जे गीता ते नाट्य शास्त्र नै सम्यता गी घोषत कीता ऐ ते सर्दिएं थमां दुनिया गी प्रेरित कीता ऐ।

<><><><><><><><>

Sakina

सेहत ते चिकित्सा शिक्षा समाल कल्याण ते शिक्षा मंत्री सकीना इत्तू होरें एम्स जम्मू च दित्ती जा'रदी व्यापक चिकित्सा सेवाएं बारे लोकें गी जागरूक करने लेई लोकें तगर सौख पुज्ज ते सुधार ते आउटरीच अभियान गी होर मता बधाने उप्पर जोर दित्ता ऐ। मंत्री होरें एह गल्ल कल एम्स जम्मू दे कम्मकाज दी समीक्षा लेई लाई गेदी इक बैठक दी अध्यक्षता करदे होई आखी। एम्स जम्मू गी लोकें लेई मेद दा प्रतीक दस्सदे होई उनें आखेआ जे इत्थें मिलने आलिएं सुविधाएं ते सेवाएं बारे लोकें गी जागरूक करने दे जतन कीते जाने चाहिदे न तां जे ओ इलाज लेई बाहर जाने दी बजाए इत्थूं दी सेवाएं दा पूरा पूरा इस्तेमाल करी सकन। एम्स जम्मू दे एकजीक्यूटिव डरैक्तर ते सीईओ होरें दस्सेआ ते अजें तगर एम्स जम्मू नै 1 लक्ख 70 जहार शा मते मरीजें दी सेहत सरबंधी जरूरतें गी सफलतापूर्वक पूरा कीता ऐ। तकरीबन 12 सौ शा 15 सौ मरीज रोज इत्थें अपना इलाज करोआन औंदे न।

<><><><><><><><>

World Heritage Day

विश्व धरोहर ध्याड़ा अज्ज पूरी दुनिया च मनाया जा'रदा ऐ। इसी स्मारकें ते महत्वपूर्ण थाहरें दा अंतर्राष्ट्री ध्याड़ा बी आखदे न। इस ब'रे इस ध्याड़े दा विशेषार ऐ आपदा ते टकराव करी धरोहर खतरे च। साढ़े संवाददाता नै दस्सेआ जे इस दिन गी हर ब8रे 18 अप्रैल गी अपनी

संस्कृति ते प्राकृतिक धरोहर दे सम्मान च ते संभाल आस्तै मनया जंदा ऐ। पिछले किश ब'रें च भारत ते विश्व धरोहर सूचि च अपनी मजूदगी बधाई ऐ। विश्व धरोहर सूचि च भारत दे 43 थाहरा शामिल न ते यूनेस्को दी आजमाहिशी सूचि च 62 होर थाहरा शामिल न। अज्ज दे ध्याड़े भारती पुरात्व सर्वेक्षण नै पूरे देश च एसआई तरफा संरक्षत स्मारकें च मुफ्त प्रवेश दी घोशणा कीती ऐ। एहदा मकसद लोकें गी देश दी सांस्कृतिक विरासत बारे जानकारी देना ऐ।

<><><><><><>

Good Friday

मुख्यें दे दुए हिस्से आंगर जम्मू च बी गुड फ्राइडे मनाया जा'रदा ऐ। क्रिसचन कैलेंडर च गुड फ्राइडे बड़ा पवित्र ध्याड़ा ऐ जिस दिन यिशू मसीह कैलवरी च सूली पर चाढ़े गे हे। गुड फ्राइडे सोह गनाने, अंतर्दृष्टि करने ते आध्यात्मिक लग्न लाने दा ध्याड़ा ऐ। समूलचे मुख्ये च अज्ज गुड फ्राइडे मनाया जा करदा ऐ। दुनिया भरै च ईसाई समुदाय दे लोक गुड फ्राइडे मनांदे न। गुड फ्राइडे यीशू मसीह हुंदे सूली पर चढ़ने दे चेते च मनाया जंदा ऐ। एह ध्याड़ा शोकमनाने, चिंतन करने ते अध्यात्मक लगन कन्नै सरबंधत ऐ। अज्जै दे दिन गिरजाघरें च खास प्रार्थना सभाएं दा सरिस्ता कीता गेदा ऐ। प्रधानमंत्री नरेन्द्र मोदी होरें गुड फ्राइडे पर अपने सनेए च यिशू मसीह हुंदे बलिदान गी चेता कीता। उनें आखेआ जे एह दिन असेंगी नेकर, सद्श्राव ते बड्डा दिल रखने आस्तै प्रेरित करदा ऐ, उनें कामना कीती जे शांति ते भाईचारे दी भावना दुनिया च म्हेशां कायम रवै।

<><><><><><>